

# Une borse di studi sul furlan e su lis sôs lenghis “sûrs” (rumanc e ladin)

Domandis dentri dai 11 di Lui pal dotorât di ricercje promovût de Universitât Libare di Bolzan in colaborazion cu la ARLeF

**A**l è timp fin ai 11 di Lui par presentâ la candidature pe amission al cors di dotorât di ricercje in Linguistiche promovût de Universitât Libare di Bolzan adun cu la Universitât dai studis di Verone e in colaborazion cu la ARLeF-Agenzie regionâl pe lenghe furlane. Tra lis siet borsis a disposizion, une e je dedicate al proget su la analisi comparative des politichis di tutele dal rumanc, dal ladin e dal furlan.

La borse di studi e vignarà assegnade al proget miôr inte aree tematiche de sociolinguistiche: l'argument centrâl al varà di tratâ de tutele juridiche e des politichis linguistichis publichis leadis aes lenghis di minorance furlane, ladine dolomitiche e rumance dai Grisons. Il proget al varà di previodi



la analisi detaiade des normis e dai documents di planificazion che a son in vore in di di vuê, cun chê di furni un studi comparatîf di chestis trê realtâts.

La selezion e previôt un colocui là che si discutarà il proget di ricercje presentât e là che si valutaran lis competencis linguistichis dal candidât, che, in plui dal talian, al scugnarà vè une competence buine dal inglès (lenghe principâl di insegnament) e dal todesc. Jessi parons dal furlan, dal ladin e dal rumanc al sarà un titul preferenziâl.

La frecuece dal cors di dotorât e je articolade in trê anualitâts e e cjaparà dentri une ativitât di ricercje specifiche di doi mès che si davuelzarà li de Agenzie regionâl pe lenghe furlane.

Il cors di dotorât al formarà professioniscj di nivel scientific alt e i dotorants a podaran zovâsi di metodologjii, imprescj e risultâts disvilupâts dilunc di progjets di ricercje une vore impuartants (PRIN, DFG, SNF, PNRR). Cun di plui, al è stât firmât un acuardi bilaterâl cu la Universitât di Marburc (Gjermanie) che al previôt l'otigniment di un dopli titul di dotorât par cui che al vignarà selezionât par chest 'International Doctoral Track'.

Dutis lis laureis specialisticis o maggjistrâls a son ametudis e a puedin presentâ la domande di partecipazion al concors pe amission al dotorât. Si à di vè otignût 300 CFU (lauree maggjistrâl). Dutis lis informacions a son a disposizion online su [www.unibz.it](http://www.unibz.it)

**SABATO 13 e 20 LUGLIO 24**  
DALLE ORE 18.00

**fattoreffe**  
APERITIVO AFTERWORK  
Edition 2024

**SABATO 13/07**  
Concerto LIVE **EAG** RELOADED

**SABATO 20/07**  
Aperitivo e Sound con **MARCO DEEJAY**

**la Fattoria 25**  
AGRITURISMO dal 1999

**RIBOLLA GIALLA SPUMANTIZZATA**  
di nostra produzione

**BIRRA AGRICOLA**  
di nostra produzione

**AGRIGELATERIA**  
Agrigelato prodotto con il latte delle nostre vacche di sola razza Pezzata Rossa Italiana

Degustazione dei nostri prodotti a KM 0  
Musica e divertimento nel giardino estivo

25<sup>0</sup>  
1999-2024  
Pavia di Udine

Instagram: [lafattoriadipaviadiudine](https://www.instagram.com/lafattoriadipaviadiudine)  
Facebook: La Fattoria di Pavia Di Udine  
Phone: +39 0432 7717615 / 1858  
Location: 13.304227394983104

Pavia di Udine, via Lovaria 48/C / tel. 0432.655266 [www.lafattoriadipavia.it](http://www.lafattoriadipavia.it)